

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمزہ موافق آثار قبول اولنور.
درج ایدلین اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

بونلر قابليت حسك يالكر خيواناته تعيم ايدلمه سى معقول اوله ميه جغى اثبات ايدر .
پوشه «كانت» عنوانلى كتاب اشهرنده نباتاتك حركتله اتصافنى اثبات ايدن بر جوق مشاهداتدن بحث ايتمشدر . نباتات متحركه يه مقابل سونكر ، مرجان ، مادره پور ، نجم بحرى كې بر جوق حيوانات ابتدائيه ده اصلا حركت انارى كوروله مشدر .

حيواناتك نباتاتدن مابه التميزى اولان حال صرف حركتدن عبارت ايسه . بيو-لوژنيك ، تاريخ طبيعنيك شهادت مقيمه سنه رغماً اكثر نباتاتك حيواناتدن ، بر جوق حيواناتك ده نباتاتدن عد ايدلمه سى لازم كليز . بالعكس هرايكى سلسله نك مراتب ابتدائيه سنى تشكيل ايدن حيوانات نباتيه ايله قير پتو غاملر حقنده نبات وحيوان وصفلى معناسز بر تعبير حكمنده قالب تشكلات حيوانيه نك نباتات ايله اتحاد ايتديكى كورولور . الك طوغروسى ، طبعيونك اصول تصنيفلى بالذات ذوى الحياتدن زياده دماغلرنده جاريدر .

سرهيل

افق مريئيك مسافه سى

شاعر دييوركه :

« صاف بر هواده سطح دريا ويا دوز بر صحرا كې حائل سز مسافات مستويه اوزرندن نظر آفاقه طوغرو تمديد ايدلديكى زمان ، انسانك تكميل حسياتنده پيشنده كى منظره طبيعيه نك عظمتى ، وسعتى وساده ليكله هم آهنگ اولمغه بر ميلان طبيعى حاصل اولور . بصر اعماق آفاقه سوق ايدلدكجه حسيات بلا اختيار و كمال سكونتله بو ميلانه تبعيت ايدمرك انسان هر برداره حسنك آچيله آچيله بيوديكنى و بيودكجه ده از ياده آچيلديغنى

كوزله كوزده جك درجه ده بر حيرت مفتونانه يه دوشر ؛ بر حاله كه آرتق وجودنيك او مناظر ك اورته سنده نامتناهيكدن بر ذره ، روحنك او احتساساتك مركزنده ابديتدن بر لمعه حكمنده قالد يغنه قناعت كسب ايدر .
بوسوزلرله بعضاً فكر شاعرانده نامتناهيك هيلك و ابديت خياللى اويانديره جق قدر حسيات انسانيه مئثر اولديغنى تصوير ايديلن منظره افقك — كه بصر ك سطح مستوى رؤيت اوزرنده كى حدوديدر — متجسس فكرلر ، چوق كره ، يالكر تماشاى مفتونانه سيله قناعت ايله ميوب كندى بولندقلرى نقطه يه اولان مسافه حقيقه سنى ده يلك و بو وجهله لئانذ خياللى رنى تحرى حقايقه دخى ترين و تزويد ايتك آرزو سنده بولنور لر سنده رياضيات تعلق ايدن بو مسئله يى بر آز مدت اولسون انكله اشتغال ايتمدهن حل ايتك قابل اولماديقندن اكثر يا بوندن صرف نظر ايلمكه مجبور اولورلر . حال بوكه ياقين زمانده ارباب فنندن بر ذات افقك مسافه سنى بولمق ايچون همان آفاقه عطف نظر ايتمكه اختيار ايديلن زحمت قدر قولاي بر اصول ميدانه قوي مشدر . بو ايسه راصدك بولنديغى ارتفاع جذر مريئيك ۳,۵۴ مقدار ثابتيله ضربندن عبارت اولوب حاصل ضرب كيلومتروى ارانه ايدنيور . گرچه شو حسابده يوزده بر درجه سنده بر خطا موجود بولنيور سه ده اكثر يا جزئيته مبنى بوندن صرف نظر ايدلمكه باس اولماديقنى كې حاصل ضربه يوزلرى قدر بر علاوه سيله خطانك ازاله سى ده قابلدور . ۳,۵۴ مقدارى ايسه ويركولدن صرف نظرله بر سنه قريه يى تشكيل ايدن كونلر عددينه مساوى اولديغندن سهل الحفظدر .
بو حسابده كوره دوز بر زمينده ويا قايق ايچنده اياق اوزرى طوران وسطى القامه

بر انسانك افق كندوسندن اوج بچق كيلومترو اوزاقده در .

صحرا ده دوه اوستنده كيدن بدوينك نظرى ۶,۱۹۵ كيلومترو قدر بعد و مسافه يه واصل اولور .

كمنك سطح دريادن درت مترو ارتفاعنده بولنان كوكرته سى اوستنده كى سياحك حدود نظرى ۷,۱۸۰ كيلومترويه وارر .

كمنك يكرمى بش مترو يوكسكلده اولان ديركى اوستنده كى كيجي كمنك اطرافنده ۱۷ بچق كيلومترودن زياده ير كورر .

ايفل قله سنده حدود بصر ۶۱ بچق كيلومترويه قدر وارر .

۴۹۰۰ مترولق بر طاغ اوزرنده بولنان كيسه ايچون افق ۲۴۷ كيلومترو و دنيا نك الك يوكسك طاغ نك زرويه سنده بولنان ايچون ده ۳۳۶ كيلومترو ايلريده بولنور .^۱ ج .

— — — — —

فونوغرافلى ساعت

جنوه ساعتچيلرندن موسيو (سيوان) استنده بر ذات فونوغراف ايچون ساعتچيلكه غايت فائده لى بر محل تطبيق بولمشدر . بوصا خب صنعت عادى ويا منبهلى ساعتلك چالا رى يرينه سرت قانوچوقدن معمول اولوب اوزرينه هر نه صورتله اولور سه سويله نن سوزلك فونوغرافله استحصا ايديلن اويوقلرى حلزونى اوله رق حك اولنش دائره وى لوحلر وضع ايتمشدر كه بونلر اوزرندن تترك ابره نك اوجى ميلونلرجه دفعه كچديكى حاله بيله آشتيقندن مصون قالير .

معلومدر که عادی فونوغرافلر ده تترك برلوحه نك تحريكه بعض آلات صدائيه ي كندى محورى اوزرنده دور ايله برابر جانبى اوله رقه ده حركت ايدن براستوانه نك اوزرينه اشارت ايدرلر. بوراده ايسه استوانه يرينه حركت دورانيه ايله متحرك واوزرنده اشارات فونوغرافيه محرر برلوحه قائمدر. ساعت بوصورتله ساعت باشلرينى سوزله افاده ووقتي حلولنده مشاغلى اخطار ايدر. مثلاً صباحلرى منبهلى ساعتلك مزعج ظيرلدليسى يرينه لطيف برخروس صداسى اظهار وياخود «هايدى قالكز» كى سوزلى آرزو ايديلن لسان ايله تكرر ايلر.

بونوع ساعتك اك زياته شاين دقت اولان جهتي شودر كه لوحه اوزرنده كى اشارات فونوغرافيه بعض مناسب صورتلر ده تعديل ايدرك فونوغرافك قارشيسنده سوز سويلين شخصك صوت وصور ت تلفظنى تماماً تقليد بكن اوليور. بومزيتدن طولايى ساعت عالمه بيننده قيمتدار بريادكار عد اولنه. حقي بعض سوزلى ايستينيلن ذاتك صدا وشيوسيله سويليور.

رده لوحه لك طولى بش آلتى سائيتيزودن زياته اولماديني حالده اظهار اولنان صدا بر منبه يرينه كچهك درجه ده شدت ارايه ايديور.

❖ قادينلر ده طول حيات ❖

طائفة نساء. ظرافت فطريه لرى اثرى اوله رقه، ار ككلره نسبة وجودجه ده نازك و نارين بر خلقته مظهر اولدقلىندن انلر قدر قواى بدنیه مالک اوليوب بو جهته

جنسینك ضعيف و ناتوانى ديه تلقى ايدلمكده درلر.

بين الجنسين قوتجه دركار اولان بو تفاوت سبيله بنات حوانك نازنين وجود- لرینك، جنس رجالك آهين بنيدلى قدر متاعب حیاتیه تاب آور مقاومت اوله مامسى وبونك نتیجه سى اوله رقه طول حیاتجه ار ككلرك كارلى وقادينلرك ضررلى چيچه- جقلى برفرك دها وجود بولمى اقتضا ايدر ايكن قوه فاطره عطايای فطريه سيندن استفاده جهته كوياكه ار ككلره قادينلر بيننده بر توازن تام حصوله چاليشيور مشجه سنه ار ككلرك دها زياته معروض اولدقلى بر طاقم مؤثرات حصوله كتيرمش وبوصورتله طول حیات بجهنده قادينلرى كارلى چيقاره رقه انلر ده قوتجه احداث ايلديكى نقصانى تضمين ايلشدر.

بناءً عليه بعدما جنسين آراسنده هانكيسنك قوی هانكيسنك ضعيف اولديغنده تردد حاصل اولسه كر كدر.

زیرا محال مختلفه سکنه سى اوزرنده اجرا اولنان تدقیقاتك بر خيليسى قادينلرك ار ككلردن زياته ياشادقلىنى اثبات ايتديكى كى ياقينلر ده ارباب فونودن بريسنك ايتاليا ايستاتستيقلىرى تدقيق ايدرك استحصا ايلديكى نتیجه بونكله توافق ايتشدر.

سيوند نامنده اولان بو ذاتك تحقيقاتنه كوره ايتالياده يوز ياشنه واران قادينلر ينه اوسنده بولنان ار ككلردن زياته اولدينى كى طول قادينلرك مقدارى ده طول ار ككلردن كثير وعموميتله قادينلرك حياتلى ار ككلرك حياتلك اوزون ظهور ايديور.

مومى اليه جنسینك طول حياتى كوزلجه مقایسه ايتكم ايچون عمرى بعض ادواره تقسيم ايله بر طاقم تفصيلاته كيره رك ديور كه: «ايتالياده حين ولادتدن بش ياشنه قدر اولان صبيان مياننده بيله قيزلرك وفاتى

ار ككلرك وفاتندن بر مقدار دوندر. بش ياشندن اون ايكن ياشنه وارنجيه قدر بو تفاوت آزار آزار آرتدق تام اون ايكن ياشنده اك زياته اولور سنده اندن صوكره آزالير واون ايكن ايله اون آلتى ياش آراسنده قيزلرك دوره حياتنده بر بجزان موقت ظهور ايدرك او صيره ده انلر ده ار ككلردن زياته وفيات وقوع بولور. لکن اون التى ايله يكرمى آراسنده حال بر عكس اولور واوزمان ار ككلرده كى وفياتك مقدارى اولكى دورده كى قيزلرك وفياته نسبة پك چوق زياته لشير.

بوندن صوكره يكرمى آلتيسنه قدر اولان كنجلر ده قادين ار كك وفياتنده بر مساوات تامه مشاهده اولنور سنده يكرمى آلتى ياشندن صوكره قادينلرك كى بر مقدار آرتار.

تفاوتك مقدار اعظميسى ايسه قرق آلتى ايله التمش آلتى ياشلر آراسنده واقع اولور كه بو صيره ده ار ككلرده كى وفيات قادينلرك هان ايكن مثله بالغ اولور.

اللئ آلتیدن آلتشه قدر قادين وفياتى آرتارسده بوندن صوكره كى سنلر ده ار ككلرك مقدار وفياتى پك حس اولنه حقي صورته تزايد ايدر.

ايضا حات مسروديه نظراً سيوند ايتاليا قادينلرينك ار ككلردن دها قوى عد ايدلر نده آرتق تردد اولغماق لازم كلكديكى ادعايه قدر وارييور.